

ԳԱՐԵԳԻՆ Բ ԿԱԹՈՂԻԿՈՍ.**«ՄԵՐ ՈՒԽՏԸ ՆՈՐՈԳԱԾ ՎԵՐԱԴԱՐՁԵԼ ԵՆՔ
ՄԱՅՐ ԱԹՈՒ՝ ՄԵՐ ԾԱՌԱՅՈՒԹՅՈՒՆԸ ԲԵՐԵԼՈՒ
ԵՐԿՐԻՆ ԵՎ ԺՈՂՈՎՐԴԻՆ»**

Ամենայն Հայոց Կաթողիկոսը վերադարձավ Մայր Աթոռ

Մայր Աթոռ Սուրբ Էջմիածին, 25 հունվարի 2000 թ.:

Այսօր Ն.Ս.Օ.Տ.Տ. Գարեգին Բ Ամենայն Հայոց Կաթողիկոսը, ավարտելով ուխտագնացությունը Տերունական Սրբավայրեր, վերադարձավ Մայր Աթոռ Սուրբ Էջմիածին:

Երևանի «Զվարթնոց» օդանավակայանում Վեհափառ Հայրապետին դիմավորեցին Հայաստանի Հանրապետության Կրոնի գործերի պետական խորհրդի նախագահի պաշտոնակատար Լևոն Մկրտչյանը, Հայաստանյայց Առաքելական Եկեղեցու թեմակալ առաջնորդներ, Մայր Աթոռի միաբանության անդամներ:

Մայր Տաճարում, Իջման Սուրբ Սեղանի առջև, Վեհափառ Հայրապետի վերադարձը ողջունեց Մայր Տաճարի լուսարարապետ, Գերշ. Տ. Հուսիկ արքեպս. Սանթրուկյանը:

«Առաջին Մեր ուղևորությունը արքասահման, որ եղավ ուխտագնացություն Սուրբ Երկիր, Տերունակոխ Սուրբ վայրեր, բարեհաջող, խանդավառող ու գոյեպնդող ընթացք ունեցավ, և այսօր գոհունակ սրտով մեր աղոթքն ենք հղում առ Աստված՝ մեր Եկեղեցու շինության, մեր ժողովրդի բարօր կյանքի, մեր նվիրապետական Աթոռների պայծառացման և գորացման համար», - ասաց Վեհափառ Հայրապետը՝ այցելության մասին իր տպավորությունները կիսելով ներկաների հետ:

Ուխտագնացության ընթացքում Վեհափառ Հայրապետը եղավ Հորդանանում և Երուսաղեմում, այցելեց Տերունական բոլոր սրբավայրերը, Երուսաղեմում Հուլյան փոմարով հանդիսապետից Սուրբ Ծննդյան արարողություններին, որին ներկա գտնվեց նաև ՀՀ նախագահը:

Այցի ընթացքում Ամենայն Հայոց Կաթողիկոսն ունեցավ նաև մի շարք պաշտոնական և էկումենիկ հանդիպումներ: Ամենայն Հայոց Կաթողիկոսին հանդիպելու և Հայրապետական պարգամն ունկնդրելու գանազան առիթներ ունեցան հայ համայնքն ու քաղաքներ երկրներից ժամանած հայ ուխտավորները:

ՄԱՍԼՈՂ ԴԻՎԱՆ ՄԱՅՐ ԱԹՈՌԻ